

Naija - Spiritual Fite God Wod - SW Intro Scriptures

Luk 17:5 Di disaipols kon tel Jisos, "Wi beg! Mak yu mak awa fate strong."

Roman 10:17 So, nobodi go fit get fate wen e neva hear di mesage and na tru Kraist wod, wi go fit hear am.

Luk 11:1 Won day Jisos dey pray for won place. Wen e pray finish, won of en disaipols kon tel am, "Oga! Mak yu tish us haw to pray, jos as Jon tish en disaipols.

1 Fest Timoti 2:1-4 First of all, I tel una mak una dey pray, ask and tank God for evribodi. 2 Mak una pray for kings and doz wey dey rule, so dat wi go fit liv for peace, get beta karata and gud life wit fear for God. 3 Dis kaind tin gud and na wetin God awa Savior dey laik, 4 bikos E wont mak evribodi dey save and undastand di trut.

Luk 22:31 "Saimon! Saimon! Mak yu listin! God don alow Satan mak e test all of una, so dat God go fit seprate bad pipol from di gud wons.

Zekaraya 3:1,2 - Jude 1:9 Bot wen Michael, di big angel dey kworel wit devol bikos of Mosis bodi, e nor kos am, bot insted, e sey, "Na God go joj yu!"

Efisos 6:12 Bikos, wi nor dey fite against humanbin, bot na against di wiked rulas wey dey for dis wold, against evil spirits and pawas wey dey di hevuns.

Efisos 6:10,11 Finali, mak una dey strong wit Kraist mighti pawa. 11 Mak una wear komplit soja uniform wey God dey giv, so dat una go fit stand fite di wayo wey devol dey yuz.

Efisos 6:13-17 Na dis mak mi sey, mak una wear komplit soja uniform wey God dey giv, so dat una go fit stand for groun wen trobol and wahala go kom and wen una don win, una go stil stand wel. 14 So, mak una stand wel-wel kon tie trut laik belt roun una waist, den wear bullet proof koat as raitiousnes for una bodi. 15 Mak una wear shu for leg wey go show sey, una dey redi to prish di Gud News wey dey giv pipol peace 16 and wit all dis, mak una kari fate wey go help una kwensh all di wiked arrows wey Satan dey trow. 17 Mak una wear salvashon laik cap for head kon hol di Spirit sword wey bi God wod.

Hibru 4:12 God wod dey alaif, e get pawa and e sharp pas knife wey get tu mout. Di wod dey divide pesin soul from en spirit and e dey divide bone from bone; bikos God no wetin wi dey tink for awa maind.

Luk 4:8 Jisos ansa, "God wod sey, 'Na onli God yu must woship and serv."

Efisos 6:18 Wit difren prayas, mak una dey ask God to help una. Mak una always dey pray wit di Spirit and dey shine una eyes wel-wel. Mak una nor giv up, bot mak una kontinu to pray for all God pipol.

1 Fest Samuel 17:45-47 - David & Goliath

Luk 10:17-20 Di sevunti-tu men kon kom bak wit hapines, dey sey, "Oga, ivun dimons dey obey us wen wi komand dem wit yor name!" 18 Jisos tel dem, "I si Satan wen e fal laik tunda-lite from hevun. 19 "Mak una listin, I don giv una pawa to waka on-top snake and skorpion and to ova kom all di enimis pawa, so nor-tin go fit wound una. 20 "Mak una nor onli dey hapi sey evil spirit dey obey una, insted mak una hapi sey God rite una name for hevun."

2 Sekon Korintians 10:3-5 Bikos ivun doh wi dey for dis wold, wi nor dey fite as pipol wont am. 4 Di tins wey wi tak dey fite, nor bi dis wold own, bot na God mak am strong, so dat wi go fit skata all di strong place wer wiked pipol dey. Wi dey skata trobol; 5 pipol wey dey kari bodi up; doz wey nor wont mak odas no God and as wi dey du laik dis, pipol dey obey Kraist.

Matu 16:19 "I go giv yu hevun key, so dat enitin wey yor praya tie for eart, dem go tie am for hevun and enitin wey yor praya luz for dis eart, dem go luz am for hevun."

2 Sekon Timoti 1:7 Bikos God nor giv us di spirit wey go mak us fear, bot di spirit wey E giv us, get pawa, luv and sef-kontrol.

Matu 12:28,29 "Bot if na God Spirit I tak dey driv dimons, naim bi sey God Kindom don alredi kom mit una. 29 "Haw pesin go fit break enta strong man haus kon tif en propati, unles e first tie di strong man? Den e go get shanse tif wetin dey di haus.

Efisos 1:13 Since una don hear di trut kon biliv Kraist, God don giv una di Holi Spirit as special mark to show sey naim get una.

Apostols 19:6 and as Pol put hand for dia head, di Holi Spirit enta dem and dem kon start to speak difren language, dey profesai.

Mark 16:15-18 Jisos komand dem sey, "Mak una enta evriwer for di wold go prish di gospol giv evribodi. 16 "Enibodi wey biliv and

dem baptize am, God go save am, bot enibodi wey nor biliv, God go kondem am. 17 "Dis signs go folo pipol wey biliv: Wit my name, dem go driv dimon komot from pipol bodi; dem go speak new language wey dem nor learn; 18 dem go fit hol snake and if dem drink poison, e nor go du dem enitin; dem go put dia hand for sik pipol bodi and di pipol go wel."

1 Fest Jon 1:9 Bot if wi konfes awa sin to am, e go forgiv us kon wosh evritin wey nor gud for God eye komot from awa life, bikos Kraist dey always du wetin e sey e go du, since e dey raitious.

Psalm 109:17 - James 3:10 My brodas and sistas, na di same tongue wi dey yuz tak praiz and kos pipol. Bot e nor sopoz bi laik dat.

Joj 16:16 - 2 Sekon Pita 2:7,8 bot E save Lot wey nor laik wiked pipol life, 8 (bikos di taim wey Lot dey dat tawn, e ves for di bad tins wey di pipol dey du).

Efisos 4:26 If una dey ves, mak una nor sin and mak day nor dak stil mit una dey ves.

Roman 14:12 So, all of us go tel God wetin wi du wit awa life.

1 Fest Jon 2:23 Enibodi wey rejet di Pikin, nor get di Papa. Bot if pesin asept di Pikin, e don asept di Papa tu.

Jon 14:6 Jisos ansa am, "Na mi bi di road, di trut and life. Nobodi go fit go mit my Papa, unles e pas tru mi.

Matu 11:28-30 "Una wey don taya and kari heavi load, mak una kom mit mi and I go giv una res. 29 "Mak una folo mi and learn from mi, bikos I gentol, I nor dey kari bodi up and I go giv una peace for una maind. 30 "My way eazi to folo and my load nor heavi to kari."

2 Sekon Korintians 6:2 Bikos E sey, "I hear una for di rite taim and wen di day for Mi to save una rish, I help una." Si, na di rite taim bi dis; na naw bi di day for salvashon!

Roman 10:13 bikos E go save doz wey dey kol en name.

Exodus 20:5 - sin cursed to 3 & 4 generations